

重刊清平縣志

重刊清平縣志

卷二
祭譜暨義舉
公業附

清平縣志

人民

人物

清平理學如孫淮海韜畧如石希尹尙矣餘或以忠孝著以文學稱以行誼傳並以頤壽隱逸見勻郡屬推人物藪者以清邑爲最今分類登之俾後人有所觀法焉

名宦

明

孔鏞字昭文山東人至聖裔天順甲戌進士成化時

縣志卷三
巡撫貴州有清平縣苗阿溪者桀驁多智有養子
阿刺弩力絕倫兩人相資橫行夷落歲賂上官以
肆其毒鏞至廉得其狀用指揮王通計擒而磔之
一境以寧

王來慈谿人景泰元年辰沅靖三州及平越諸苗叛
苗長韋同烈據清平香爐山爲梗大肆劫掠命來
以都御史總督軍務及保定伯梁瑤帥師討之所
至賊皆迎降遂進攻香爐山擒韋同烈等送京師
餘黨悉平民爲立平蠻碑

鄒文盛字時鳴公安人宏治癸丑進士正德十一年

漢文皇帝高祖八年正月十一日

省以爲鐵道省關山嶺草以爲
 以海關大員督軍符以和武出聚
 省同以謝前平省關山嶺草以爲
 省同以謝前平省關山嶺草以爲
 省同以謝前平省關山嶺草以爲

報五無敵王頭縣其狀用武歌王國有難河刻之
國陳武代將論西人師省無行與客或刻土官也
派蘇貴地市部不難南國清者祭祭之身其太子

巡撫貴州時清平衛苗阿榜等據香爐山以叛焚
劫興隆偏橋等處道路梗塞上命文盛合湖廣兵
剿之破其寨俘阿榜等遂進剿黑苗擒其魁阿茲
捷聞降璽書獎諭慰官戶部尙書卒謚莊簡

周廷用字子賢華容人正德辛未進士巡按貴州值
香爐山苗叛與巡撫鄒文盛討平之後爲監司才
氣豪岸言事不避權要以正直稱

蔡潮字巨源臨海人正德十一年參議貴州時苗賊
據香爐山叛出沒抄掠聲言奪清平城潮計此衛
不保全省之勢橫決矣遂留鎮撫告吏民曰去與

守等死耳守猶百全一吏民感悟願効死乃修堞
柵繕器械儲芻糧頃之賊突至圍城三匝潮堅壁
力拒驪賊力少情出兵擾之急則入保軍士死傷
者親歷其門吊其孤嫠以故士益奮賊不得利引
去已去復來如是者二年而城卒不陷又踰年鄒
文盛督兵進剿潮領左右二壘斬馘之功居多清
平人尸祝焉潮在貴州凡八九年以讒不預政者
居半所至進諸生講明經史嘯咏自得歷官河南
右布政

李濬濟甯人監生宣德八年任貴州僉事正統二年

遷副使先是諸郡衛強半無學濬疏請廣建之教化一新

羅瑤字國華巴陵人進士萬厯二年以副都御史巡撫貴州時清平城垣傾圯苗賊入劫居民患之疏請發帑銀五千三百餘兩委員監修一時賴以安輯

傅順孫昆明人萬厯十年以御史巡按貴州公正廉惠時清平軍士消耗疏請增募站夫二百餘名以濟夫役

王聘賢號金陽通海人萬厯三十九年以副使分守

清平時苗賊猖獗嘯聚官道一月之間劫掠官民客商恒十餘次大道阻絕公至捕獲渠魁置之法賊始歛跡邑夫馬浩繁軍民疲累公創爲平僱之法酌道里遠近計差給銀民困始蘇爲立坊日甘棠遺愛

王杏奉化人嘉靖十三年巡按貴州性嚴毅摘伏如神大猾歛手貴州鄉試原附雲南道里艱阻杏奏請開科於本省從之又捐置清平學田

嚴清雲南後衛人嘉靖甲辰進士萬曆三年巡撫貴州清介不少貶疏請守廵分駐地方卒爲定制尤

加意庠序增設廩餼多惠政歷官吏部尙書卒諡
恭肅

鄧廷瓚字宗器巴陵人景泰五年進士成化十年初
設程番府舉瓚異等出守時方草昧瓚以清淨治
之蠻民悉奉約束城郭廨舍以次興作居程番九
年四境晏如遷山東參政宏治二年貴州黑苗叛
勅廷瓚爲巡撫提督軍務號令嚴明將校用命擒
賊首平之疏請更張爲保境安民之計設都勻府
獨山州麻哈州清平縣官至左都御史卒諡襄敏
凌琯歙縣人萬歷五年任提督副使嚴氣正性世罕

其倫敦士專主文行忠信四字學者奉爲山斗每晨起必冠服禮聖像乃出視事寒燠不輟清平

聖廟捐資修理之厯官陝西按察使

何振清江衛千戶果毅有才畧正統間香爐山苗叛振親至其巢曉諭之逆苗執之色不變徐諭以利害苗眾震懾尋送歸

郭子章字相奎號青螺泰和人隆慶辛未進士萬厯二十七年巡撫貴州厯十年悉知民隱凡所設施利澤久大允善獎士類經品題者率成名宿著黔記六十卷建孫文恭公祠先是播酋楊應龍作亂

王師屢征不克天子拊髀廷臣交薦子章匹馬入
黔增兵餉扼要害立賞格士氣百倍興師百餘日
擒楊應龍誅之播州平始經理播州爲平越等郡
縣未幾忽有皮林之役功與播州等黔人戴恩建
生祠七所三十五年陳情終養疏九上始得請
毛勝京師人景泰間充副總兵率兵征香爐山苗韋
同烈功封南甯伯卒贈侯諡忠莊

梁瑤汝陽人景泰間充平蠻將軍兼征香爐山苗有
功進封侯

張應期號惟屺鎮遠縣人以明經任清平衛教授天

啓間甕壩諸苗叛應期佐副將胡從儀屢出奇計
剿平之攝縣篆愛民課士政皆可觀居鄉方正樂
易有君子之稱

司鐸河南人清平指揮洪武二十四年開設衛治置
公署築城壘卓有能聲

石宣壽光人洪武二十五年調清平指揮夙嗜讀捐
地建學儲育人才廉平有威兵民咸服之事嫡母
賈生母章以孝稱

張君盛桐城人推官崇正十二年駐鎮清平時文德
有妖僧假稱活佛倡九股苗作亂破凱里重安圍

清平公亟請省營副總兵張才楊得勝等赴清鎮之邑故多紳士公步登其門乞各輸米以贍兵於是士馬騰躍會妖僧拒戰公率兵以炮擊斃之三日圍解民獲安

劉啟周西充人博學宏詞每下筆千言立就清介慈惠不徇私不妄取遇艱鉅毅然任之暇則論道談經諸生課藝精加品隲且平時調濟甚有從而婚配之者其愛才造士類如此歷任五年遷長沙邑人攀轅涕泣

謝興之安福人性平易禮賢愛士百姓疾苦噢咻撫

摩之不動聲色時苗賊剽掠郊關公集鄉勇演武
塲躬爲訓練一時賴以保障

蕭一傑任清平值夫役浩繁公領僱募官銀至不折
封呼里甲共視之曰朝廷不肯空勞百姓給予腳
價在此每夫一名腳價二錢三分倉米四升我若
上負君恩下欺百姓少有刻減上天鑒之以故夫
沾實惠口碑至今不絕

王用霖任清平值水西之亂晝夜巡警力守城池馭
差卒甚嚴不許下鄉實心實政古之遺愛也

田雯字綸霞號山薑德州人康熙甲辰進士二十七年巡撫貴州茹菓飲冰端躬率屬以去弊樹利爲己任在任四年勵官方嚴武備撫輯蠻苗威惠並著尤加意學校愛才養士惟恐不及時人比之郭子章遷少司寇去官日民思之不置著有黔書行世重修孫文恭祠

劉聞得字少言廣東人質學兼優中亞魁出宰清邑仕不廢學聞清邑隔科六十三年嘆曰此豈兵燹有誤誦讀耶抑教學無傳人耳因集生童自爲訓課定三八日爲文會嚴諭之使無間日或苦事忙

夜必挑燈詳閱文藝備加品騭自甲午冬至丁酉
門下士夏謨允復開科廩子段大策張素同榜嗣
後邑中科甲聯縣皆公力也公每曰人以父師稱
我我必保之如子方不愧稱父教之如弟方不愧
稱師卽公之言亦可見公之心矣公以年老卒於
官士民感泣一如所生

劉樵武陵人生員攝篆清平適苗變軍需浩繁公措
辦悉合機宜倡修

聖宮縣城實心爲政事見藝文志

朱本全字師曾浙江山陰人性溫厚和平日以矜貧